

瘟疫六經治法

太陽經 頭痛熱渴

太陽以寒水主令。手太陽以丙火而化氣於寒水。陰盛則壬水司氣而化寒陽勝則丙火違令而化熱。故太陽以寒水之經而易於病熱。冬不藏精相火升泄傷其寒水閉蟄之氣。火旺水虧已久。及春夏感病。衛閉營鬱寒水愈虧。故受病即發熱作渴而不惡寒也。太陽在六經之表。是以感則先病。其經自頭下項行身之背。故頭項痛而腰脊強。肺主衛。肝主營。而總統於太陽。太陽之經在皮毛之部。營衛者皆皮毛之所統轄。瘟病衛閉而營鬱。法當精營熱而泄衛閉。治宜涼金補水而開皮毛。元霜丹主之。

元霜丹

治太陽頭項痛。項痛。腰脊強。發熱作渴。

浮萍

三錢

麥冬

二錢

元參

二錢

丹皮

二錢

芍藥

一錢

甘草

一錢

生薑

三錢

水煎熱服。覆衣取汗。

一方去元參麥冬。治同。

身痛脉緊煩躁無汗

瘟疫在太陽。脉浮。頭痛。發熱。汗出。以風強而氣不能閉也。若脉浮而緊。發熱。寒身痛。腰疼。煩躁。無汗。而喘促者。是寒束而邪不能泄也。蓋溫疫有汗。寒疫無汗。以風踈泄而寒性閉藏。衛陽過閉。邪不能泄。營鬱莫達。則煩躁喘促與傷寒同。治宜以浮萍

黃芩清散經絡之熱也

浮萍黃芩湯

浮萍三錢黃芩一錢杏仁二錢泡甘草二錢炙生薑二錢大棗二錢劈

流水煎大半盃溫服覆衣

煩熱燥渴煩熱躁渴與前發熱作渴不同故用白虎而不用元霜矣

病在太陽經未入陽明之腑不至遽生煩渴若陽明燥盛之人經熱外遏燥氣內應則見煩渴陽明從燥金化氣府燥發作故有煩熱便難之證今府燥未作胸燥先動是以煩渴生焉其太陽表症未解宜浮萍石膏湯清金而解表絕其燥熱入府之源表症以解第以白虎加元麥湯清燥生津氣虛者加人參以益氣因表解而陽虛恐燥去而陽亡也

白虎加元麥湯 治太陽經罷煩熱燥渴

石膏三錢煨知母一錢甘草一錢粳米一錢元參二錢麥冬二錢去心

流水煎至米熟取大半盃熱服

人參白虎加元麥湯 治太陽經罷氣虛煩渴

石膏三錢煨知母三錢酒炒炙甘草一錢粳米一撮人參一錢元參二錢麥冬三錢去心

流水煎至米熟取大半盃熱服

陽明經 目痛鼻乾

陽明以燥金主令。足陽明以戊土而化氣於燥金。太陰勝則陽明化氣而為濕。陽明勝則太陰化氣而為燥。故陽明之經易於病燥。冬水失藏。相火升。胃津稿。精氣亦亡。太陰之濕。久化陽明之燥。春夏感病。衛陽遏閉。營熱鬱發。土焦金燼。燥氣愈甚。其經挾鼻絡目行身之前。故目痛鼻乾而身熱不卧。陽莫勝於陽明。燥熱在經。不得泄越。遲則胃府積熱。藏陰漸枯。便伏異日危機。於其府熱未動之時。涼泄經絡。以清其熱。則後患絕矣。素雪丹主之。

素雪丹 治陽明身熱目痛鼻乾不卧胸煩口渴

浮萍 三錢 石膏 三錢 麥冬 二錢 去元參 二錢 葛根 二錢 丹皮 二錢 白芍 一錢 生薑

三錢 甘草 一錢

流水三盃。粳米一撮。煎大半盃。去滓熱服。覆衣取少汗。嘔者加製半夏二錢。

瘟病方傳陽明之經。府熱未作。法宜清熱而發表。熱甚者。必傷肺氣。當用人參白虎湯。清金泄熱。益氣生津。乃為妙善。人參白虎湯見前。

目痛鼻乾嘔吐泄利

三陽之經。陽明為盛。足陽明從燥金化氣。太陽表邪不解。經熱內傳。火性就燥。必入陽明。陰盛於裡。而陽盛於表。府燥未作。經燥先動。胆木逆行而賊胃土。胃氣壅遏。不

能容受。故嘔吐而泄利。緣經和鬱迫其府氣故也。

浮萍葛根湯

治陽明經證。目痛鼻乾煩渴不卧。

浮萍

三錢

葛根

二錢

石膏

二錢

元參

二錢

甘草

一錢

生薑

二錢

流水煎大半盃熱服。

浮萍葛根芍藥湯

治陽明經泄瀉

浮萍

三錢

葛根

三錢

石膏

一錢

元參

二錢

甘草

一錢

芍藥

二錢

流水煎大半盃熱服

浮萍葛根半夏湯

治陽明經嘔吐

浮萍

三錢

葛根

二錢

石膏

二錢

元參

一錢

芍藥

一錢

生薑

二錢

半夏

二錢

流水煎大半盃熱服

陽明府證

汗出潮熱譫語腹滿便秘。

病傳陽明經。不得汗解。府陽素旺之人。以經熱鬱蒸。而府熱內作。開其皮毛。則見大

汗淋漓。第汗愈泄。而土愈焦。燥愈增。而熱愈甚。每申酉之交。應時發熱。如朝汐不爽。

是謂潮熱。燥土消燥。心液故譫語。燥矢壅遏。腑氣故滿痛。遲則藏陰耗亡。營氣鬱陷。

生死攸關。不可不急下也。泄以大小承氣。而加養陰涼血之味。臟陰續復。營鬱外達。

矣。

調胃承氣加芍藥地黃湯

大黃二錢甘草一錢芒硝一錢芍藥二錢生地五錢

流水煎一盃去滓入芒硝火化溫服。

小承氣加芍藥地黃湯

大黃二錢厚樸錢半炒枳實錢半炒芍藥二錢生地六錢

流水煎一盃溫服。

大承氣加芍藥地黃湯

大黃二錢芒硝一錢厚樸錢半炒枳實錢半炒芍藥一錢生地六錢

流水煎一盃去滓入芒硝火化溫服不下再服。

少陽經 脇痛耳聾

少陽經以相火主令。足少陽以甲木而化氣於相火。順則下蟄而溫腎水。逆則上炎而刑肺金。故少陽經最易病火。瘟病寒水失藏。相火炎蒸。已旺於衰廢之時。春夏感病。衛閉營鬱。熱盛火發。勢當得令之候。愈極重赫。彼少陽傷寒。一陽在表。三陰在裡。陽盛則熱。陰盛則寒。少陽居表裡之半。是以往來寒熱。至於瘟病。三陰經氣從陽化熱。故但熱而無寒也。其經自頭下項。絡耳循脇。行身之側。故胸脇痛而耳聾。火曰炎上。炎上作苦。故咽乾而口苦。相火內鬱。則刑肺金。甲木內鬱。則克胃土。外無泄路。勢

必焦土流金而入陽明。當以清涼和解之法。散其炎烈。紅雨丹主之。

紅雨丹 治少陽胸脇痛。耳聾。口苦。咽乾。

柴胡二錢 黃芩一錢 芍藥一錢 甘草一錢 丹皮一錢 元參一錢 半生薑二錢

流水煎大半盃。熱服。覆衣取微汗。

三經陽絡皆受其病。而未入於府者。法應汗之。但瘟疫病與傷寒傷風寒暄異氣。不宜麻桂辛溫。滋以清潤之劑。涼泄經絡燥熱。方是瘟疫汗法。其傷在衛氣。而病在營血。營鬱熱發。故用丹皮芍藥泄熱而涼營也。

目眩耳聾。口苦咽乾。胸痛脇痞。嘔吐泄利。

瘟疫陽明經熱不解。則入少陽之經。少陽在二陽之裡。三陰之表。陰盛則傳太陰之藏。陽盛則傳陽明之府。少陽者。八腑入藏之門戶。瘟疫營鬱熱盛。火旺木枯。故但傳胃府而鮮入脾藏。傳胃則木邪逼土。府氣鬱遏而生吐利。是宜清散經邪。杜其入府之路也。

小柴胡加花粉芍藥湯 治少陽經目眩耳聾。口苦咽乾。胸痛。

柴胡三錢 黃芩二錢 半夏錢半 甘草一錢 生薑二錢 芍藥二錢 天花粉二錢

流水煎大半盃。熱服。覆衣取微汗。

大柴胡加元參地黃湯 治少陽經傳陽明胃府。嘔吐泄利。

柴胡 三錢 黃芩 一錢 半夏 二錢 芍藥 二錢 枳實 一錢 桂枝 二錢 大黃 二錢 生薑 二錢 大棗

二枚 元參 一錢 生地 二錢 流水煎大半盃 溫服

三陽傳胃

瘟疫病經熱不解。外泄無路。斷無胆在經絡。不傳胃府之理。此自然之層次。則宜用攻泄。蓋胃土燥熱。必燥藏陰。其肺脾肝腎精液。久為相火煎熬。益以燥熱燔蒸。藏陰必至枯竭。是當滋其藏陰。泄其府熱。勿令陽亢而陰亡也。白英丹主之。

白英丹 治陽明府病。謔語腹滿。潮熱作渴。

大黃 三錢 芒硝 一錢 炙甘草 一錢 枳實 一錢 厚樸 一錢 元參 二錢 麥冬 四錢 丹皮

二錢 芍藥 二錢 生地 三錢 流水煎大半盃 熱服。

陽明戊土。位居三陽之長。陽盛之極。必皆歸宿陽明而入胃府。瘟疫三陰藏病。悉以胃熱為之根本。雖曰五藏六府皆受病。而陽明胃府寔其綱領也。其裡熱發作。不拘在何藏府。總以泄胃為主。而兼清本部。但腸胃未至燥結。則第滋藏陰。不須承氣。即燥結未甚。亦當俟之。經盡之後。府邪內寬。始用泄熱滋陰之法。一下而清矣。若燥熱隆盛。則不拘日數。俱可泄下。是當用傷寒急下之法。不可循傷寒緩攻之條。以其內熱鬱伏。原與傷寒不同也。

三陽傳胃發斑

瘟疫三陽經病。營鬱熱盛。勢必內傳胃府。胃陽素旺。燥熱感發。經府同氣。表裡俱病。府熱內逼。而藏陰消燦。過經不解。則危。瘟疫所最忌者。營熱不能外泄。蓋以衛盛而營衰。脾陰虛而胃陽旺也。若脾陰不衰。胃陽不旺。六經既遍。邪欲內傳。而藏氣扞格。外禦經邪。熱無內陷之隙。則蒸泄皮毛。發為斑點。而病輕矣。若一入胃府。陽日盛。則藏陰日枯。不得不用泄法。緩則泄於經盡之後。急則泄於經盡之前。府熱一清。則經熱外達。而紅斑發矣。

太陰經

腹滿噤乾

太陰以濕土主令。手太陰以辛金而化氣於濕土。陽明盛。則太陰化氣而為燥。太陰盛。則陽明化氣而為濕。故百病之在太陰。皆是濕。而惟瘟疫病之在太陰。則化濕為燥。以其冬水失藏。相火泄而脾陰燦。春夏感病。營鬱熱旺。濕氣自當愈耗。其經自足走。胸行身之前。布胃絡。噤故病傳太陰。則腹滿而噤乾。太陰之濕奪於陽明之燥。燥亢濕枯必死。是宜清散皮毛。泄陽明之燥。而滋太陰之濕也。黃酥丹主之。

黃酥丹

治太陰腹滿噤乾發熱作渴

浮萍

三錢

生地

四錢

炙草

一錢

丹皮

二錢

酒芍

二錢

生薑

三錢

流水煎大半盃熱服

一方去芍藥加棗名浮萍地黃湯同治

少陰經

乾燥發渴

少陰以君火主令。足少陰以癸水而化氣於君火。陽盛則丁火司權而化熱。陰盛則癸水違令而生寒。故百病之在少陰。多是寒。而惟溫病之在少陰。則化寒為熱。以其冬不藏精。水虧火泄。春夏感病。更值火旺水虛之候。其經貫腎絡肺。而係舌本。故口燥舌乾而渴。腎者主水。人身水火對列。水枯而火亢。則人亡矣。是宜消散皮毛。泄君火之亢。而益腎水之枯也。紫玉丹主之。

紫玉丹

治少陰口燥舌乾發熱作渴

浮萍三錢 生地四錢

知母二錢

酒元參三錢

炙甘一錢

天冬二錢

去生薑三錢

流水煎大半盃 熱服覆衣

一方加丹皮花粉去知母甘草名浮萍天冬湯治同

厥陰經

煩滿囊縮

厥陰以風木主令。手厥陰以相火而化氣於風木。治則木達而化溫。病則火鬱而生熱。以厥陰乙木原胎丁火。故厥陰之經。最易病熱。瘟病衛閉而遏營血。營鬱是以發熱。而營藏於肝。方隆冬火泄。營血已傷。騰沸春夏感病。衛閉營遏。血熱更劇。其經自足走胸。行身之側。循陰器而絡於肝。故煩滿而囊縮。手厥陰之火。扇以足厥陰之風。風烈火炎。煎枯營血。枯槁命殞。是宜清散皮毛。泄相火之炎。而滋風火之燥也。蒼霖丹主之。

蒼霖丹

治厥陰煩滿囊縮發熱作渴

浮萍二錢 生地四錢 芍藥二錢 當歸一錢 酒洗 丹皮二錢 甘草錢半 生薑二錢
流水煎大半盃熱服覆衣取汗。

厥陰發班

瘟病傳至厥陰邪熱斯甚。若木榮血暢經藏潤澤營熱不能內傳六經既偏別無出路則鬱極外發而見紅班。若營虛不能透發過時班見而色帶紫黑營血敗傷多至不救。是以解表涼血使其營熱發達亦蒼霖丹主之。

吳又可用達原飲治瘟疫善矣。但瘟之愈終由汗解。往往有下後而仍自解以汗者。是瘟疫之需汗也。孔急矣。因思能發瘟疫之汗者莫過於浮萍。其性涼散入肺經達皮膚發汗甚於麻黃。本草載之詳矣。間嘗以之治瘟疫輒效。後又質諸北海老醫黃玉楸頗與余意合。用之數年歷有成效。始敢筆之於書。並添三陰經治法以補又可之所未及。第醫者意也。茲不過規矩焉已耳。但有是方未必有是病。神而明之則又在存乎其人矣。

瘟疫雜症治畧

蓋聞粗舉其凡曰畧。瘟疫中雜症亦復不少。而畧之可乎。是蓋有說焉。吳又可瘟疫論中已言者不載。傷寒雜症門中治法可以裁取通融者不載。未曾經驗與勦襲他人者不載。除此四者雖欲不畧而不能矣。蓋未敢師心也。無庸多贅也。若謹

言畧而詳之。是謂畫蛇添足。

衄血

衄血症治多端。傷寒書中亦詳哉。其言之矣。瘟疫衄血治法。凡可以取用傷寒門者。皆不採入。茲第論汗散一條。仲景治太陽風寒在表而治衄者。用麻桂以汗之。然又論曰。衄家不可發汗。二者似乎相反。而海藏解之。則謂衄家不可發汗者。蓋為脉微也。若脉不微而浮緊浮緩者。又當發散之矣。蓋衄家之發散。散其經中之邪。使不得擁盛於經。迫而妄行。是麻桂原非止衄之藥。而其邪得散。則不治衄而衄自止矣。至於瘟疫在表而治衄者。不唯麻桂不可服。即蘇芷防風亦無所可用。羌柴性升。衄時似亦不宜。唯服棗糖飲。親往往取效。或加鮮薑數片。紅棗數枚。擬更妙。蓋棗豆清涼。而非苦寒之品。洋糖發散。而無升舉之虞。再加姜棗以調和營衛。而表豈有不解者哉。且散而不升。而亦豈有稍防於衄者哉。或服不即汗。於煮豆時再加浮萍二三錢。

吐血

衄出於肺。行清道。吐出於胃。行濁道。衄血之熱。在經主表。吐血之熱。在腑主裡。血之存於胃中者。為守營之血。守而不走。諸陽受熱。當汗不汗。熱毒深入於中。其血為火所逼而上逆。隨從肺竅出於咽喉而為吐矣。亦有蓄血上焦而吐者。瘟疫患此。始終一於為熱。寔者犀角地黄湯稍虛者黃芩芍藥等湯。加減出入。便可奏效。仲景治壞

趁音文
有文彩

南瑛曰
化為血
句未妥

劉南瑛
曰類字
乃類字
之說類
同硬坊
今往坊
有類字
非是

疫癘二症合論 卷一 十八 坎
病篇麻黃升麻湯雖治陰陽錯雜之唾血但不善用之反至害事至金匱之升麻鱉
甲湯雖李廷云此方治疫癘時症但亦用升麻似非吐血者所宜愚意凡吐衄等症
約性之升者總在所禁也

蓄血

血症應分三等。但唾吐嘔為上部。血結胸為中部。蓄血下焦為下部。夫血何以能蓄
也。吳氏曰。病在太陽。當汗不汗。則淤血在裡。必結血也。活人云。失汗而熱蓄在裡。熱
化為血。其人善忘而如狂。血上逆則善忘。血下蓄則內急。吳又可曰。瘟疫失下。邪熱
久羈不泄。血為熱搏。留於經絡。敗為紫血。溢於腸胃。膚為黑血。便色如漆。大便反易。
合此三說。而蓄血之義始盡。蓋病在太陽失汗。熱蘊於中。血為熱所搏。始留經絡。繼
溢腸胃。則當下矣。斯時又失於下。邪熱久羈不泄。瘀於下焦。故少腹鞭滿急脹。皮見
青紫筋。則蓄血之症成矣。其見症則有善忘如狂發狂。小便自利。

大便秘黑。謔語燥渴。脉沉寔結。皆蓄血之候。醫者診視。便當揣其少腹鞭滿而痛。即
問其小便。若小便不利。是津液留結。可利小便。此層倍若小便自利者。即是蓄血矣。若

太陽病有熱結膀胱。太陽本經而如狂者。症之輕者也。宜桃仁承氣湯。此層又若陽明病有

蓄血而喜忘者。病之甚者也。抵當湯難用。可代用承氣之類。加桃仁紅花歸尾等破
血之物。或兼虛者。以玉燭散之類下之。則蓄血去而病痊矣。

上所言者。道其常也。余有一孫。名河方。十四五歲。感瘟疫廿餘日不解。診其脉空虛而弱。不任尋按。亦並無喜忘如狂等症。但終日昏睡不清醒。按其腹雖覺微痛。亦無鞭滿急脹等候。醫有議補者。余力持其不可。伊時余方料理兒病。未暇及孫。亦未服藥。靜候數日。突欲大便。隨下紫血數斗。頓然清醒。此時方知其為蓄血。若當時一用補劑。則立斃矣。足見治瘟疫者。只知其常。而不知其變。猶作文看書之死於句下也。可不慎哉。筆之以俟高明者。

班疹

班疹二字。非以色言。以形言也。故發斑有紅紫黑色之殊。而皆以班名。點與皮平。絕不高起。其曰蚊迹者。狀紅班之成點者也。曰錦紋者。狀紅班之成片者也。疹則其形高出皮膚之上。大者若北方之高糧米。小者若小米。亦有紅紫二色。而黑者殊少。較之發班稍輕。又有白疹發於衛分。形如莧種。色白。破之中有清水。凡發此者最吉。是邪從疹散也。班疹形色已盡於斯。先以班論。總因邪毒不鮮。留於血分所致。如當汗不汗。則表邪不解。當下不下。則裏邪不解。下之早。則邪陷不解。當清不清。則火盛不解。當補不補。則無力不解。瘟疫少見或陽症而誤溫補。則陽亢不解。陰症而誤寒涼。則陰凝不解。瘟疫無此不解則直入陰分。鬱而成熱。以致液涸血枯而發。乃營衛俱劇之症。凡汗下溫清俱不解。及足冷耳聾煩悶欬嘔者。便是發班之候。鮮紅者吉。紫者五死一。

生黑者十死一生並忌稠密成片凡班既出脉洪數有力身溫足暖者易治脉沉小足冷元氣弱者難治凡已出未出時切忌妄投寒劑並治飲冷恐傷胃氣作嘔吐又忌香臭薰觸又不可妄發汗妄攻下虛其表裡之氣其害尤甚若脉弱者或先有房事要在審問之凡治瘟班必細審人之虛寔症之表裡脉之有神無神為要吳又可發班條只有下之一法奚足以盡其變哉成氏言發班者戒發汗而張景岳則以邪自外入者仍自內出凡脉數無汗表症俱在者必須仍從汗解以犀角地黄湯為治班要藥而以成氏不可汗之說為非愚意成氏之所謂不可汗者指麻桂紫蘇而言非指犀角地黄湯也

發黃

瘟疫發黃唯陽明與太陰兩經有之黃者土之正色二經俱屬土故發黃蓋外不能汗內不得小便脾胃之土為熱所蒸如合麴然故發外為黃若小便利則熱不內蓄故不能變黃其有別經發黃者亦有脾胃之土受邪也但黃色不一寒濕之黃身如薰黃色暗而不明熱盛之黃如橘色黃柏而明汗出染衣此其辨也而其致黃之由亦不一有蓄血在下焦發黃者有濕熱鬱積於內發黃者有因寒濕發黃者有因下之太過變成陰黃者有不因下而太陰經中去濕之陰黃者唯瘟疫之黃止濕熱蓄血兩條瘀熱發黃脉浮滑堅數其症則頭汗際頸而還腹微滿小便不利而渴者也

瘀血發黃。脉微而沉。或結。其人如狂。小腹急結。鞭滿。便自利。大便黑者是也。至於發黃。面體如薰。直視搖頭。鼻出冷氣。環口青。黑皆不治。

班黃並發

凡傷寒瘟疫變現諸症。相兼者多。唯班黃二症。少見同時而發者。

從兄秉欽。病發黃。旋即發班。余往診視。其覺駭異。以其素虛。隨用托裡舉班湯。茵陳五苓散。二方中採擇加減服之。班黃並治。真可奏效。服一劑。次早戰汗後。班黃並退。其病豁然。隨名其方曰。班黃雙解散。茲錄於左。以備採擇。因擴而充之。或班甚而黃輕者。則以治班為重。而以治黃為輕。或黃甚而班輕者。則以治黃為重。而以治班為輕。又或有先班而後黃者。有先黃而後班者。有發黃而兼發疹者。班黃之症不一。巧妙之治各殊。忝伍以盡其變。錯綜以盡其神。左右逢源。是在醫業者。因時以制宜耳。

班黃雙解散 自定新方

茵陳 猪苓 茯苓

澤瀉 鹽水
洗焙 炒梔

生地

甘草

白芍

當歸 酒
洗

善怒

凡病人恒多焦躁。此其常也。唯瘟疫之怒。與凡病之焦躁不同。其症或因人之語言稍有拂逆。或細事之偶然不諧。在平時可以嬉笑處之。而茲則入耳便怒。不可解心。

中暗惱不休至昏瞶時反將所怒之事從謔語說出而弗自覺也。又多靡所觸忤。偶意往事可惱者亦時時發怒能令心腹鬱悶脹塞與懊懷相似而寔不同。蓋懊懷方書中解之謂鬱鬱然不舒憤憤然無奈比之煩悶而甚者是也。係下後之症且無所忤而自生者茲善怒則不論曾否汗下。日日如斯甚有瘟病已愈而此病仍在者必俟能起坐如平時方止。將謂此症不由肝胆而肝胆寔司怒之經將謂其怒盡由肝胆而肝胆不任其疚何者肝胆之瘟邪退而其怒仍在也。唯投以理氣之劑而鬱悶稍舒然稍舒或有所觸而其病復發矣。有似於陽厥而又非也。書言陽厥怒病發狂者因陽氣暴折而難決故善怒病名陽厥蓋陽氣暴折故鬱而多怒治以鉄落飲加辰砂少許取金能生水之意且鉄性沉重最能墜熱開結云云。夫曰陽厥者必有四肢厥逆之症方可以厥名曰怒病發狂者是狂而不僅於怒矣而茲則不厥不狂心中暗惱而不自禁也因名之曰善怒雖心腹鬱結難支然未見有以此殞命者惟專治其瘟瘟愈而怒自己矣或投以鉄落飲視其兼症而加減出入之庶可奏效也

狂

狂之為病有三而陰症不與焉。經曰重陽則狂又曰邪入於陰則狂諸經之狂總陽盛也。一曰發狂蓋陽明多氣多血陽邪入胃府熱結不解因而發狂其症則妄起行妄笑語登高而歌棄衣而走踰垣上屋呼號罵詈不避親疎數日不食皆因陽明邪